

# SARS E AMOHELA KHOMESHENARA E NTJHA, KIESWETTER

**PRETORIA, Laboraro la 1 Motsheanong 2019** - Kajeno Edward Kieswetter o qala ho kgatha tema ya hae jwalo ka Khomeshenara ya Ditshebeletso tsa Lekgetho tsa Afrika Borwa.

Mona re lakatsa ho amohela Kieswetter mme re ikemiseditse ho sebetsa mmoho le yena ho thusa ho aha botjha SARS.

Ho latela tse mabapi le puso e ntle mmoho le tse mabapi le maano a amehang, Khomeshenara o talotse tsohle tse mabapi le ditabatabelo tsa hae tse ka ntle ho mokgatlo mmoho le boikamahanyo ba hae mekgatlong e fapaneng.

Kieswetter o se a qadile ka tekolobotjha ya potfolio ya hae ya ditabatabelo mme o se a bile a itokollotse ho ba Molaodi ya Ikemetseng ya ka Sehloohong wa Shoprite.

Pejana o ile a itokolla dibotong tsa African Unity le GEMS Education, Africa.

Ntle le botsetedi ba hae ba praevete, tema ya hae e kgolo e akaretsa bolaodi ba hae ho Transnet le ho Technology Innovation Agency, tseo ka bobedi e leng Dikgwebo tsa Mmuso.

Mong. Kieswetter o boletse hore o ikemeseditse ka botlalo ho tsamaisa merero ya hae ka tsela e tlang ho tliisa tshepo setjhabeng.